



TOSHKENT SHAHAR SHAYXONTOHUR TUMAN HOKIMI QARORI

2022 - yil 26 - dekabr

486-14-205-Q/22

Shayxontohur tumani hokimligi

Ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш ўринларини 2023 йил учун банд қилиб қўйиш тўғрисида

Ўзбекистон Республикасининг “Аҳолини бандлиги тўғрисида”ги Қонунининг (Ўзбекистон Республикасининг қонуни, 20.10.2020 йилдаги ЎРҚ-642-сон) 3-моддаси, “Ўзбекистон Республикасида ногиронларни ижтимоий химоя қилиш тўғрисида”ги Қонунининг (Ўзбекистон Республикаси қонун 2020 йил 15 октябрдаги 641-сонли) 25-моддаси, Ўзбекистон Республикаси Президентининг 2019 йил 5 мартдаги “2019 йилда аҳоли бандлигини таъминлаш ва янги иш ўринларини ташкил этиш бўйича давлат буюртмаси тўғрисида”ги ПҚ-4227-сон қарори (Қонун ҳужжатлари маълумотлари миллий базаси, 06.03.2019 й., 07/19/4227/2782-сон), Ўзбекистон Республикаси Вазирлар Маҳкамасининг 2017 йил 5 декабрдаги 965-сон қарори билан тасдиқланган “Ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва захирага қўйиш тартиби тўғрисида”ги Низом (Қонун ҳужжатлари маълумотлари миллий базаси, 11.12.2017 й., 09/17/965/0393-сон), шунингдек, Ўзбекистон Республикаси Бандлик ва меҳнат муносабатлари вазирининг 2019 йил 10 майдаги 19-2019-Бсон буйруғи билан тасдиқланган (Ўзбекистон Республикаси Адлия вазирлиги томонидан 2019 йил 31 майда 3163-рақами билан рўйхатдан ўтказилган) “Ўзбекистон Республикаси Бандликка кўмаклашиш давлат жамғармаси маблағлари ҳисобидан субсидия ва грантлар ажратиш тартиби тўғрисида”ги Низомга (Қонун ҳужжатлари

маълумотлари миллий базаси, 31.05.2019 й., 10/19/3163/3221-сон) асосан, ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун Шайхонтоҳур туманида 2023 йил учун иш ўринларини банд қилиб қўйиш мақсадида,

ҚАРОР ҚИЛАМАН:

1. Шайхонтоҳур туманидаги ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш жойларининг энг кам миқдорини белгилаш бўйича комиссия таркиби 1-иловага мувофиқ;

2023 йилда мазкур тоифадаги шахслар учун иш жойларининг энг кам миқдори белгиланган корхоналар ва ташкилотлар рўйхати 2-иловага мувофиқ тасдиқлансин.

2. Ўзбекистон Республикасининг “Аҳолини иш билан таъминлаш тўғрисида”ги Қонунининг 17-моддасига асосан туманда ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахслар (кейинги ўринларда ижтимоий муҳофазага муҳтож шахслар деб юритилади) учун иш ўринларининг энг кам миқдори (2-илова) ходимларнинг рўйхат бўйича ўртача 1 448 та иш ўрнини ташкил этадиган 7,3 фоиз миқдорида, шу жумладан:

ногиронлар учун (58 та);

таълим муассасасини тугатган ёшлар учун (963 та);

БКМда иш қидирувчи сифатида ҳисобда турган пенсия ёшига яқинлашиб қолган шахслар учун (253 та);

муддатли ҳарбий хизматдан бўшатишган шахслар учун (180 та);

ёлғиз ота, ёлғиз она ҳамда 14 ёшгача ва ногирон болалари бор кўп болали ота-оналар учун (275 та);

ЖИЭМлардан бўшатишган, жазони ўтаётган ёки суд қарорига кўра тиббий характердаги мажбурий чоралар кўрилган шахслар учун (87 та);

одам савдосидан жабрланганлар учун (34 та) миқдорида иш ўринлари

захираси белгилансин.

3. Ижтимоий муҳофазага муҳтож шахслар учун иш ўринлари санитариягигиена меъёрларига ва ходим ўз меҳнат мажбуриятларини тўсиқсиз бажаришини таъминлайдиган меҳнат қилиш шaroитларига, шу жумладан, қуйидагиларга мувофиқ бўлиши керак:

14 ёшгача ва ногирон болалари бўлган ёлғиз ва кўп болали оналар учун – болаларни тарбиялаш ва меҳнат мажбуриятлари бўйича мажбуриятлар бажарилишини бирга қўшиб олиб бориш имконини берувчи ишнинг мослашувчан жадвалига эга ;

умумий ўрта ва ўрта махсус, касб-ҳунар таълими муассасаларини тамомлагандан кейин касбни эгаллаган ёшлар, шунингдек, олий таълим муассасаларининг давлат грантлари бўйича таълим олган битирувчилари учун – уларнинг касбий тайёргарлигига мувофиқ ;

сафарбарлик чақирuvi захирасида хизматни ўтаган ва Ўзбекистон Республикаси Қуролли Кучлари сафларидан муддатли ҳарбий хизматдан бўшатишган шахслар учун – уларнинг профессионал тайёргарлигига мос ;

ногиронлар учун – меҳнат шaroитлари бўйича аттестациядан ўтказилган ва ходимга уларнинг соғлиғи ҳолатини ва меҳнат фаолиятига тўғри келмайдиган белгиланган зидликлар ҳисобга олинган ҳолда меҳнат операцияларини тўсиқсиз бажариш имконини берадиган ;

пенсияолди ёшидаги шахслар учун – уларнинг касбий тайёргарлигига мос бўлган ёки махсус малакани талаб этмайдиган ;

жазони ижро этиш муассасаларидан ёки суднинг қарорига кўра тиббий тусдаги мажбурлов чоралари қўлланилган шахслар учун – уларнинг касбий тайёргарлигини ҳисобга олган ҳолда ёки махсус малакани талаб этмайдиган ;

одам савдоси қурбонлари учун – уларнинг касбий тайёргарлигини ҳисобга олган ҳолда ёки махсус малакани талаб этмайдиган .

4. Қуйидаги иш ўринлари банд қилиб қўйиладиган касблар ва лавозимлар этиб белгилансин:

муҳандис, иқтисодчи, ҳисобчи, ҳисобчи-тафтишчи, ҳуқуқшунос, зоотехник, агроном, шифокор, ҳамшира, кичик тиббий ходим, иш юритувчи, ўқитувчи, тарозибон, электр ва автоаравача ҳайдовчиси, ташувчи, фаррош, ўтёқар, ободонлаштириш ишчиси, омборчи, ЭХМ оператори, юкчи, ишчи, боғбон, қоровул.

5. 2-иловада қайд этилган корхона, ташкилот ва муассасаларнинг раҳбарлари:

Ўзбекистон Республикаси Вазирлар Маҳкамасининг 2017 йил 5 декабрдаги 965-сон қарори билан тасдиқланган “Ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва заҳирага қўйиш тартиби тўғрисида”ги Низомга мувофиқ ушбу қарорнинг 2-иловасида кўрсатилган иш ўринлари ташкил этилишини таъминласин;

2023 йил бошланишидан камида 10 кун олдин, заҳирага қўйиладиган умумий иш ўринлари сонининг камида 25 (йигирма беш) фоизи ижтимоий муҳофазага муҳтож шахсларни ишга жойлаштириш учун заҳирага қўйилишини ва тайёрлигини таъминласин, шунингдек, бу ҳақда йил бошлангунга қадар туман Аҳоли бандлигига кўмаклашиш марказини хабардор қилсин;

ижтимоий муҳофазага муҳтож шахслар учун иш ўринларининг қолган қисмини заҳирага қўйиш ташкилот (иш берувчи) томонидан 2023 йилнинг биринчи чораги мобайнида таъминласин, бу ҳақда туман Аҳоли бандлигига кўмаклашиш марказига биринчи чорак тамом бўлгандан кейин 10 кундан кечикмай хабардор қилсин;

ҳар ойда ҳисобот ойдан кейинги ойнинг 5-кунигача туман Аҳоли бандлигига кўмаклашиш марказига “Ижтимоий муҳофазага муҳтож, иш топишда қийналаётган ва меҳнат бозорида тенг шартларда рақобатлаша олмайдиган шахсларни ишга жойлаштириш учун иш ўринларининг энг кам сонини белгилаш ва заҳирага қўйиш тартиби тўғрисида”ги Низомнинг 5-иловасига мувофиқ шакл бўйича ахборот тақдим этсин.

6. Туман ҳокимининг ижтимоий муҳофазага муҳтож шахслар учун иш ўринларининг энг кам сонини белгилаш бўйича ушбу қарори

бажарилмаганда, шунингдек, бундай шахсларни ишга қабул қилиш асоссиз равишда рад этилганлиги учун ташкилот, корхона ва муассасаларнинг мансабдор шахсларига нисбатан Ўзбекистон Республикасининг амалдаги қонун ҳужжатларига асосан маъмурий жавобгарлик белгиланганлиги алоҳида қайд этилсин.

7 Шайхонтоҳур туман Аҳоли бандлигига кўмаклашиш маркази (А.Холмўминов):

ижтимоий эҳтиёжманд аҳоли қатламларига мансуб шахсларни квоталанган энг кам сонидан ортиқ миқдорда ишга қабул қилган ташкилот, корхона ва муассасаларга ҳар бир ходим учун 12 ой давомида ҳар ойда энг кам ойлик иш ҳаққининг 2 баробари миқдорида туман Аҳоли бандлигига кўмаклашиш маркази томонидан ҳақ тўланишини таъминласин;

мазкур қарорни беш кун муддатда захира ўрин яратаётган ташкилот, корхона ва муассасаларнинг раҳбарлари эътиборига етказсин ва туман ҳокимининг қарори бажарилиши устидан назорат ўрнатсин.

8. Туман ҳокимлиги Матбуот хизмати (Д.Рахимова):

мазкур қарор туман ҳокимлигининг расмий веб сайтыга жойлаштирилсин.

9. Ушбу қарор расман эълон қилинган кундан бошлаб 3 ойдан кейин кучга киради.

10. Мазкур қарор ижросини назорат қилиш туман ҳокимининг биринчи ўринбосари Р.Аширматов зиммасига юклансин.

Шайхонтоҳур туман ҳокими



Б.Захидов

| № | Shayxontoxur tumanidagi tashkilotlar nomi | Tashkilotda umumiy ishlovchilar soni | Yaratilgan maxsus ish o'rinlarning band qilingan soni | Shundan | | | | | | | |
|-----|--|--------------------------------------|---|------------------|--|--|---|--|---|-------------------------------------|--|
| | | | | Nogironlar uchun | Ta'lim muassasasini tugatgan yoshlar uchun | BKMda ish qidiruvchi sifatida xisobda turgan pensiya yoshiga yaqinlashib qolgan shaxslar uchun | Muddatli xarbiy xizmatdan bo'shatilgan shaxslar uchun | Yolg'iz ota, yolg'iz ona xamda 14 yoshgacha va nogiron bolalari bor ko'p bolali ota-onalar uchun | JIEMlardan bo'shatilgan, jazoni o'tayotgan yoki sud qaroriga ko'ra tibbiy xarakterdagi majburiy choralar ko'rilgan shaxslar uchun | Odam savdosidan jabrlanganlar uchun | |
| 122 | O'zbek Davlat drama teatri | 160 | 12 | 1 | 4 | 4 | | 1 | 1 | 1 | |
| 123 | Gosudarstvennoe predpriyatie "MA'MURIY BINOLARDAN FOYDALANISH BOSHQARMASI" | 27 | 2 | | 1 | | | 1 | | | |
| 124 | GUP "URANKAMYOBMETGEOLOGIYA" | 1332 | 60 | 1 | 29 | 8 | 10 | 10 | 1 | 1 | |
| 125 | OOO "INTRAN SERVIS" | 77 | 6 | | 2 | | 2 | 2 | | | |
| 126 | Toshkent davlat nyuridik universiteti qoshidagi M.S. Vosiqova nomidagi akademik litsey | 42 | 2 | | 1 | | | 1 | | | |
| 127 | "Trest 12" Aksiyadorlik jamiyati 52-qurilish boshqarmasi | 43 | 4 | | 1 | | 1 | | 2 | | |
| 128 | Ipakchiilik ilmiy tadqiqot instituti | 62 | 3 | | 1 | 1 | | 1 | | | |
| 129 | "SUVLOIXA" davlat korxonasi | 40 | 4 | | 2 | | 1 | 1 | | | |
| 130 | "2-RESPUBLIKA TIBBIYOT KOLLEJI" TOSHKENT METROPOLITENI" davlat | 30 | 3 | | 1 | 1 | 1 | | | | |
| | | 3 184 | 163 | 1 | 190 | 22 | 22 | 22 | 4 | 2 | |